

नेपाल सरकार थन नेपाल कम्युनिष्ट पार्टी (माओवादी)
ला गुडरी ताबा
विस्तृत शान्ति सम्झौता

नेपाल सरकार र नेपाल कम्युनिष्ट पार्टी (माओवादी)
बीच भएको
विस्तृत शान्ति सम्झौता



राष्ट्रिय मानव अधिकार आयोग

**नेपाल सरकार थेन नेपाल कम्युनिष्ट पार्टी (माओवादी) ला गुडरी ताबा
विस्तृत शान्ति सम्झौता**

प्रस्तावना

नेपाली ह्युल्वासे २००७ साल डाच्छाहेन्से दात्तेदोना ल्हानान रेम लासी हाबा ऐतिहासिक सङ्घर्ष थेन जनआन्दोलनग्याम लोकतन्त्र, शान्ति थेन अग्रगमनला पक्षरी ओन्वा जनादेशला डेन लावान्,

गोर डीस राजनीतिक दल थेन ने.क.पा.(माओवादी) ला गुडरी ताबा च्युथीसे डी बुँदे समझदारी, ब्रे बुँदे सहमति, नेपाल सरकार थेन नेकपा (माओवादी) ला गुडरी ताबा डीच्युथीसे डा बुँदे आचारसंहिता, २०६३ साल कार्तिक २२ कुनु गोर डीस राजनीतिक दल थेन नेकपा माओवादीला शीर्ष गोबोनजुगुला चीसाडला निर्णयकादेथेन नेपाल सरकार थेन ने.क.पा.(माओवादी) ला गुडरी ताबा बेनान सम्झौता, सहमति, आचारसंहिता थेन संयुक्त राष्ट्र संघदा पुथीबा थेराडवानथेराडवान धारणाला पत्राचारप्रति पूर्ण प्रतिवद्धताला पुनर्पुष्टि लावान्,

ह्युलरी मुबा वर्गीय, जातीय, क्षेत्रीय, लैंगिक समस्याकादेदा छाडन लावारी ग्याल्साला अग्रगामी पुनर्संरचना लाबा संकल्प लावान्,

प्रतिष्पर्धात्मक बहुदलीय लोकतान्त्रिक शासन व्यवस्था, नागरिक स्वतन्त्रता, मौलिक अधिकार, मानवअधिकार, पूर्ण प्रेस स्वतन्त्रता थेन कानूनी ग्याल्साला अवधारणाथेन लोकतान्त्रिक ठीम प्रतिला पूर्ण प्रतिवद्धतादा दोहोऱ्याथी दीवान्,

मानव अधिकारला विश्वव्यापी घोषणापत्र, १९४८ थेन अन्तर्राष्ट्रिय मानवीय कानून थेन मानव अधिकारला आधारभूत सिद्धान्त थेन मान्यताकादेरी प्रतिवद्ध चीवान्,

स्वतन्त्र, निष्पक्ष थेन आलोड्बा वातावरणरी संविधानसभाला निर्वाचनरी बो कीन्म्याड्बा नेपाली ह्युल्बाला आधारभूत याडतामला प्रत्याभूति लावान्,

लोकतन्त्र, शान्ति, समृद्धि, अग्रगामी आर्थिक-सामाजिक परिवर्तन थेन ह्युल्ला स्वतन्त्रता, अखण्डता, सार्वभौमिकता थेन स्वाभिमानदा गुडरी थान्वान्,

२०६४ साल जेठ लान्हाडरी स्वतन्त्र थेन निष्पक्ष लासी संविधानसभाला निर्वाचन थुम्ना लाबा प्रतिवद्धतादा कार्यान्वयन लाबा दृढता ओन्वान्,

संविधानसभाग्याम नेपाली ह्युल्बाला सार्वभौमसत्ताला सुनिश्चितता, अग्रगामी राजनीतिक निकास, ग्याल्साला लोकतान्त्रिक पुनर्संरचना थेन आर्थिक-सामाजिक-सांस्कृतिकदा पोवारी गोरडीन पक्षला गुडरी ताबा राजनीतिक सहमतिला आधाररी ह्युलरी २०५२ हेन्से तासी हाबा सशस्त्र द्वन्द्वदा ख्लासी शान्तिपूर्ण सहकार्यला छार अध्याय तीबा घोषणा लावान्,

नेपाल सरकार थेन नेकपा (माओवादी) ला गुडरी ताबा युद्धविरामदा हेड्बा दुथीला शान्तिरी पोबा प्रतिवद्धताला छ्यामरी नेपाल सरकार थेन नेकपा (माओवादी) ला गुडरी चु विस्तृत शान्ति सम्झौता ताबा मुला ।

१. प्रारम्भिक

१.१ चु सम्झौताला मीन "विस्तृत शान्ति सम्झौता, २०६३" तासेदा मुला । तुन्वारी चु सम्झौतादा शान्ति सम्झौता बीसेदा मुला ।

१.२ चु सम्झौता सरकार पक्ष थेन माओवादी पक्षला सार्वजनिक घोषणा मार्फत् तीनीला मितिहेन्सेन लागू तासेदा मुला ।

१.३ गोर डीन पक्षसे ह्याड्हाडला मातहतला बेनान निकायदा चु सम्झौता दात्तेन कार्यान्वयन थेन पालना लावारी तोबा निर्देशन जारी लासेदा मुला थेन कार्यान्वयन लासेदा, लापुडसेदा मुला ।

१.४ अनुसूचीरी मुबा गोर डीस राजनीतिक दल, सरकार थेन माओवादी गुडरी ताबा बेनान सहमति, समभकारी, आचारसंहिता थेन निर्णयकादे चु सम्भौताला अभिन्न अङ्ग म्हान्सेदा मुला ।

१.५ चु सम्भौता कार्यान्वयन लाबारी तोबा अन्सार लीच्छा लासेदा सहमति थेन सम्भौताकादे नोन् चुलान अंग म्हान्सेदा मुला ।

२. परिभाषा: विषय वा प्रसंगसे आर्कु अर्थ आतासाम चु सम्भौतारी :-

- (क) **"युद्धविराम"** बीमा नेपाल सरकार थेन ने.क.पा. (माओवादी) ला गुडला गीसे आर्कुदा लक्षित लासी लासेदा बेनान आक्रमण, अपहरण, बेपत्ता, थुनछेक, सशस्त्र बाडकादेला परिचालन, सुदृढीकरण, आक्रामक थेन हिंसात्मक कारवाही थेन हाज्युबान माध्यमग्याम ह्युलरी विध्वंश ताना लाबा, उत्तेजित लाबा थेन भड्काओदीवा गे का:वा गे बीसी गोसेदा मुला ।
- (ख) **"अन्तरिम संविधान"** बीमा संविधानसभाग्याम छार संविधान स्होसी लागू आतादेदोनाला लागीरी जारी लासेदा **"नेपालला अन्तरिम संविधान २०६३"** बीसी गोसेदा मुला ।
- (ग) **"अन्तरिम मन्त्रीपरिषद्"** बीमा अन्तरिम संविधान अन्सार स्होसेदा **"अन्तरिम मन्त्रीपरिषद्"** दा गोसेदा मुला ।
- (घ) **"डी पक्ष" बीमा** नेपाल सरकार पक्ष थेन नेपाल कम्युनिष्ट पार्टी (माओवादी) पक्षदा गोसेदा मुला ।
- (ङ) **'प्रचलित कानुन'** बीमा नेपालला अन्तरिम संविधान २०६३ थेन चुथेन आछेवा प्रचलित नेपाल कानुनदा गोसेदा मुला । तर चु परिभाषासे अन्तरिम संविधान २०६३ जारी ताबा डाच्छाला कानुनी व्यवस्थादा कासेदा आरे ।
- (च) **'प्रमाणीकरण'** बीमा संयुक्त राष्ट्र संघसे सेना, लडाकु थेन हतियारला प्रमाणीकरण लासी यथार्थ लगत तयार लाबा तामदा गोसेदा मुला ।

३. राजनीतिक -आर्थिक- सामाजिक रुपान्तरण थेन द्वन्द्व व्यवस्थापन :

गोरडीन पक्ष दीरी पाडवा अन्सार राजनीतिक-आर्थिक-सामाजिक पोबाला नीति थेन गेताड अवलम्बन लाबारी थेन ह्युलरी मुबा द्वन्द्वला सकारात्मक ढङ्गसे व्यवस्थापन लाबारी सहमत ताबा मुला :

- ३.१. २०६३ कार्तिक २२ कुनु थुम्बा डीस दल थेन नेकपा (माओवादी) ला शीर्ष गोबोनजुगुला चीसाडला निर्णयकादे (अनुसूची-६) ला आधाररी ह्युलरी अग्रगामी राजनीतिक, आर्थिक थेन सामाजिक परिवर्तन सुनिश्चित लासेदा ।
- ३.२. अन्तरिम संविधानला आधाररी अन्तरिम व्यवस्थापिका-संसद स्होसेदा थेन अन्तरिम सरकारग्याम दारेला २०६४ जेठ लान्हाडरी स्वतन्त्र थेन निष्पक्ष रुपरी संविधानसभाला निर्वाचन थुम्ना लासेदा थेन नेपाली ह्युल्वारी मुबा सार्वभौमसत्ताला व्यावहारिक प्रत्याभूति लासेदा ।
- ३.३. ह्युल्साला शासन व्यवस्थाला हाज्युबान याडताम ग्लेरी आचीसेदा । डोडवा ग्ले वीरेन्द्र, ग्लेस्या ऐश्वर्य थेन थेनीला थेमेला सम्पत्ति नेपाल सरकारला मातहतरी वासी टूट्ट स्होसी ह्युल्ला हितरी प्रयोग लासेदा । ग्लेला हैसियतसे ग्ले ज्ञानेन्द्रदा याडवा बेनान

सम्पत्तिकादे (लहोलो लहोलो गलाला गलेखाडकादे, ह्री थेन निकुञ्जकादे, ऐतिहासिक थेन पुरातात्विक महत्वला सम्पदाकादे ह्राडवा) राष्ट्रियकरण लासेदा । ग्लेगेन्दुनदा थान्सेदा की आथान्सेदा बीबा ताम संविधानसभाला दोक्सेवीमा डाच्छाला चीसाडसे साधारण बहुमतग्याम टुङ्गे लासेदा ।

- ३.४ जाम्बुलीडरी स्वीकारदीवा आधारभूत मानव अधिकार, बहुदलीय प्रतिस्पर्धात्मक लोकतान्त्रिक प्रणाली, ह्युल्बारी मुबा सार्वभौमसत्ता थेन ह्युल्बाला सर्वोच्चता, संवैधानिक सन्तुलन थेन नियन्त्रण, विधिला शासन, सामाजिक न्याय थेन समानता, स्वतन्त्र न्यायपालिका, आवधिक निर्वाचन, नागरिक समाजला अनुगमन, पूर्ण प्रेस स्वतन्त्रता, ह्युल्बाला सूचनाला याडताम, राजनीतिक दलकादेला गेताडकादेरी पारदर्शिता थेन जवाफदेहीता, जनसहभागिता, निष्पक्ष, सक्षम थेन स्वच्छ प्रशासनतन्त्रला अवधारणाकादेला पूर्ण परिपालना लाबा राजनीतिक प्रणाली अवलम्बन लासेदा ।
- ३.५ वर्गीय, जातीय, भाषिक, लैङ्गिक, सांस्कृतिक, धार्मिक थेन क्षेत्रीय लेबाफेबाला अन्त्य लाबान म्रीडकोला, दलित, आदिवासी जनजाति, मधेशी, उत्पीडित, उपेक्षित थेन अल्पसङ्ख्यक थेमे, लीच्छा ताबा थुमला समस्याकादेदा सम्बोधन लाबारी ग्याल्साला दात्तेला केन्द्रीकृत थेन एकात्मक ढाँचाला अन्त्य लासी ग्याल्साला समावेशी, लोकतान्त्रिक थेन अग्रगामी पुनर्संरचना लासेदा ।
- ३.६ सामन्तवादला बेनान रुपकादेला अन्त्य लासेदा आर्थिक सामाजिक रुपान्तरणला न्यूनतम साभ्का गेताड छ्यामनोन् लाबा सहमतिसे स्होसी लागू लासेदा ।
- ३.७ सामन्ती भूस्वामित्वला अन्त्य लाबान् वैज्ञानिक भूमिसुधार गेताड लागू लासेदा नीति अवलम्बन लासेदा ।
- ३.८ राष्ट्रिय उद्योगधन्दा थेन साधनश्रोतला संरक्षण थेन प्रवर्धन लाबा नीति अनुशरण लासेदा ।
- ३.९ शिक्षा, स्वास्थ्य, आवास, रोजगारी थेन खाद्य सुरक्षारी बेनान नागरिकला याडताम स्थापित लाबा नीति कीन्सेदा ।
- ३.१० सुकुम्वासी, कमैया, हलिया, हरवाचरवाथेन स्यान्दोला आर्थिक सामाजिक रुपसे लीच्छा ताबा वर्गदा साथेन आर्थिक सामाजिक सुरक्षाला व्यवस्था लाबा नीति कीन्सेदा ।
- ३.११ सरकारी लाभला दानरी चीसी भ्रष्टाचार लासी सम्पत्ति छावाकादे फीरी कोडवा कार्वाही लासी दण्ड पीन्वा नीति कीन्सेदा ।
- ३.१२ ह्युल्ला आर्थिक-सामाजिक रुपान्तरण थेन न्यायलाछ्यामरी ह्युल्दा योना समुन्नत थेन आर्थिक रुपसे समृद्धशाली स्होबारी गोरगी साभ्का विकासला अवधारणा स्होसेदा ।
- ३.१३ गेलाबाकादेला पेशागत याडतामला सुनिश्चित लाबान उद्योगधन्दा, छोड, निर्यात प्रवर्धन ह्राडबाला लागीरी लगानी ल्हेना लासी रोजगारी थेन आय आर्जनला अवसरकादेदा ल्हानान ल्हेना लाबा नीति अनुसरण लासेदा ।

४. सेना थेन हतियार व्यवस्थापन

संविधानसभाला निर्वाचनदा शान्तिपूर्ण, निष्पक्ष थेन लोडला आतोबा वातावरणरी थुम्ना लाबारी थेन सेनाला लोकतान्त्रिकीकरण थेन पुनर्संरचना लाबारी नीबा दुओरी ताबा च्युओसे डी बुँदे समझदारी, ब्रे बुँदे सहमति, डी च्युओसे डा बुँदे आचारसंहिता, संयुक्त राष्ट्र संघदा पुओीबा डा बुँदे पत्र थेन कार्तिक २२ कुनु थुम्बा शीर्ष गोबोनजुगुला चीसाडला निर्णयकादे अन्सार चुराडवा गेकादे लासेदा :

माओवादी सेनाला सम्बन्धरी -

- ४.१. २०६३ साल साउन २४ कुनु नेपाल सरकार थेन ने.क.पा.(माओवादी) ला तर्फग्याम संयुक्त राष्ट्र संघदा पुओीबा पत्ररी ओन्वा प्रतिवद्धता अन्सार माओवादी सेनाला लडाकुकादे

(Combatants) दीरी व्रीबा ग्लाकादेरी अस्थायी शिविरकादे (Cantonments) री सीमित तासेदा । संयुक्त राष्ट्र संघग्याम थेनीला प्रमाणीकरण थेन अनुगमन लासेदा ।

मुख्य शिविरकादे चु ग्लाकादेरी तासेदा मुला :

- | | | | |
|-----------|-------------|-----------|-------------|
| १. कैलाली | २. सुर्खेत | ३. रोल्पा | ४. नवलपरासी |
| ५. चितवन | ६. सिन्धुली | ७. इलाम | |

मुख्य शिविरकादे ख्यारख्युर गोर सोमसोमला दरसे सहायक शिविरकादे तासेदा मुला ।

- ४.२. माओवादी सेनाला लडाकुकादे शिविररी चीवालीच्छा शिविरला सुरक्षा लावारी तोबा हातहतियार थेन गोलीगट्टा वीमा स्यान्दो बेनान हतियारकादे शिविर न्हाडरीन सुरक्षित भण्डारण लासेदा थेन एकल ताल्चा लाओदीसी साँचो सम्बन्धित पक्षसेन थान्सेदा । थे ताल्चा लाओदीबा प्रक्रियारी संयुक्त राष्ट्र संघला निगरानीला लागीरी थेला रेकर्ड, साइरन सहितला संयन्त्र (Device) थान्सेदा । भण्डारण लाबा हातहतियारकादे तोबा दुओरी जाँच्दीतोमा संयुक्त राष्ट्र संघसे सम्बन्धित पक्षला ओन्साड लासेदा । क्यामरा अनुगमन थेन स्यान्दो विस्तृत प्राविधिक विवरण संयुक्त राष्ट्र संघ, ने.क.पा.(माओवादी) थेन नेपाल सरकारला सहमतिसे तयार लासेदा ।
- ४.३. माओवादी सेनाला लडाकुकादे अस्थायी शिविररी चीजीन्वालीच्छा थेनीकादेला चाबा थुडबाथेन स्यान्दो तोबा व्यवस्था नेपाल सरकारसे लासेदा ।
- ४.४. माओवादी सेनाला लडाकुकादेला च्याबाखुडबा, समायोजन थेन पुनर्स्थापनाला लागीरी अन्तरिम लोन्पो सेडजाडसे विशेष कमिटी स्होसी गे लासेदा ।
- ४.५. माओवादी नेताकादेला सुरक्षा व्यवस्था सरकारथेन ताबा सहमतिला आधाररी लासेदा ।

नेपाली सेनाला सम्बन्धरी -

- ४.६. संयुक्त राष्ट्र संघदा पुओबा पत्ररी व्यक्त लाबा प्रतिवद्धता अन्सार नेपाली सेना ब्यारेकन्हाडरी सीमित तासेदा । थेला हतियारकादे हालाओलीन पक्ष या विपक्षरी प्रयोग आतासेदा तामला प्रत्याभूति लासेदा । माओवादी सेनाला तर्फग्याम भण्डारण ताबा हतियारला बराबरी संख्यारी नेपाली सेनासे नोन् ह्वाडला हतियारकादे सुरक्षित भण्डारण लासेदा थेन एकल ताल्चा लाओदीसी साँचो सम्बन्धित पक्षसेन थान्सेदा । थे ताल्चा लाओदीबा प्रक्रियारी संयुक्त राष्ट्र संघला निगरानीला लागीरी थेला रेकर्ड, साइरन सहितला संयन्त्र (Device) थान्सेदा । भण्डारण लाबा हातहतियारकादे तोबा दुओरी जाँच्दीतोमा संयुक्त राष्ट्र संघसे सम्बन्धित पक्षला ओन्साड लासेदा । क्यामरा अनुगमन थेन स्यान्दो विस्तृत प्राविधिक विवरण संयुक्त राष्ट्र संघ, ने.क.पा.(माओवादी) थेन नेपाल सरकारला सहमतिसे तयार लासेदा ।
- ४.७. नेपाली सेनाला नियन्त्रण, परिचालन थेन व्यवस्थापन छार सैनिक ऐन अन्सार लोन्पोसेडजाडसे लासेदा । अन्तरिम लोन्पोसेडजाडसे राजनीतिक सहमति थेन अन्तरिम व्यवस्थापिकाला सम्बन्धित समितिला नोन् सुभाब कीन्सी नेपाली सेनाला लोकतान्त्रिकरणला विस्तृत कार्ययोजना तर्जुमा थेन कार्यान्वयन लासेदा । चु न्हाडरी नेपाली सेनाला उपयुक्त सङ्ख्या, लोकतान्त्रिक संरचना, राष्ट्रिय थेन समावेशी चरित्र स्होबान लोकतन्त्र थेन मानवअधिकारला साओग्याम सेनादा प्रशिक्षित लासेदा ह्वाडबा गेकादे लासेदा ।

४.८ नेपाली सेनासे लासी हावा सीमा सुरक्षा, आरक्ष, निकुञ्ज, बैंक, विमानस्थल, विद्युतगृह, टेलिफोन टावर, केन्द्रीय सचिवालय, विशिष्ट म्हीकादेला सुरक्षाह्वाडवा गेकादेला निरन्तरता पीन्सेदा ।

५. युद्धविराम

५.१ सैन्य कारवाही थैन सशस्त्र परिचालनला अन्त्य :

५.१.१. डीनोन् पक्षसे दीरी ब्रीवा ह्वाडवा गे आलाबारी प्रतिवद्धता व्यक्त लाबा मुला :-

- क) प्रत्यक्ष वा अप्रत्यक्षरूपरी गीसे आर्कुदा ओन्सी हाज्युवान किसिमला हात हतियारला प्रयोग वा आक्रमण लाबा गे,
- ख) डीनोन् पक्षला सहमतिसे हातहतियार भण्डारण लाबा ग्लारी हातहतियार थोसी या आथोना आर्कु पक्षला हातहतियार खानतलासी वा बरामदी लाबा गे,
- ग) हाज्युवान म्हीदा नोक्सानी लाबा वा मानसिक दवाव पीन्वा गे,
- घ) गीसे आर्कुदा धराप (एम्बुस) थान्वा गे,
- ङ) हत्या थैन हिंसात्मक गेकादे,
- च) अपहरण/पक्राउ/थुनछेक/बेपत्ता लाबा गे,
- छ) सार्वजनिक/निजी/सरकारी वा सैनिक सम्पत्ति नोक्सानी,
- ज) हवाई आक्रमण वा बम्बारी,
- झ) सा दीरी बारुद तीबा गे (माइनिङ्ग) थैन विध्वंसात्मक गे (स्यावोटेज),
- ञ) गीसे आर्कुला सैनिक गतिविधिला सुराकी लाबा गे ।

५.१.२ डीनोन् पक्षसे थप सैन्य भर्ती लासेदा आरे थैन हातहतियार, गोलीगट्टा थैन विष्फोटक पदार्थ ह्वोवा वा गीसे आर्कुला विरुद्धरी सैनिक हर्कत लासेदा आरे ।

तर, अन्तर्राष्ट्रिय सीमा थैन भन्सार विन्दुरी हातहतियार, विष्फोटक पदार्थ वा थेला बो वा कच्चा पदार्थ ह्वाडवा स्हेकादे गैरकानूनी रूपरी ह्वोवा गे कावा तामरी अन्तरिम सरकारसे सुरक्षा निकाय परिचालन लासी गस्ती लाबारी, च्याबासाम्बारी वा बरामद लाबारी हाम्सेदा मुला ।

५.१.३ हाज्युवान म्ही वा थेमे अवैध हातहतियार, गोलीगट्टा थैन विष्फोटक पदार्थ छ्यामरी कीन्सी हावा नीवा लासेदा आरे ।

५.१.४ डी नोन् पक्ष युद्धला दुओरी प्रयोग लाबा धराप थैन बारुद्धी सुरुडकादेला रेखाङ्कन, भण्डारण सोमच्युओरी रे न्हाडरी गीसे आर्कुदा था पीन्वारी थैन डु च्युओरी रेन्हाडरी निष्कृत्य थैन निर्मूल लाबा गीसे आर्कुदा ह्वो लासेदा मुला ।

५.१.५ हाज्युवान नागरिक सभा वा राजनैतिक सभा वा सार्वजनिक गेताडरी डीनोन् पक्षला सेनासेना हतियार वा कम्ब्याट ग्वोओला क्वान्सी नीसेदा आरे ।

५.१.६ नेपाल प्रहरी थैन सशस्त्र प्रहरीसे जनआन्दोलन थैन शान्ति संभौताला मर्म थैन भावना अन्सार थैन प्रचलित कानून अन्सार कानून व्यवस्था थैन शान्ति सुव्यवस्था थैन अपराध अनुसन्धानला गे चालु थान्सेदा मुला ।

५.१.७ गोरगी पक्षला सशस्त्र म्हीसे आर्कु पक्षला सशस्त्र म्हीदा 'शत्रु' बीसी पाडबारी थैन व्यवहार लाबारी नोन् काबारी ह्वाड-ह्वाडला सशस्त्र निकाय थैन म्हीदा पत्र पुओसेदा मुला ।

५.१.८ सशस्त्र द्वन्द्वला ताडरी यारी कीन्वा, ताल्वा लाओदीबा वा प्रयोग लाबारी आपीन्वा सरकारी, सार्वजनिक, निजी भवन, सा थेन स्यान्दो सम्पत्तिकादे लगत थान्सी दात्तेन फिर्ता लाबारी डी नोन् पक्षसे सहमति व्यक्त लाबा मुला ।

५.२ स्थिति सामान्यीकरणला उपायकादे :

- ५.२.१ इच्छा आरेना थेन प्रचलित कानुनला लीसो टाडगा थेन जिन्सी हुप्पारी थेन कर कीन्वारी म्याडसेदा आरे ।
- ५.२.२ हाडला कब्जारी मुबा म्हीकादेदा सार्वजनिक लासी था पीन्वारी च्युओसे डा रेन्हाडरी बेनादान मुक्त लाबारी डी नोन् पक्षसे मञ्जुर लाबा मुला ।
- ५.२.३ डीनोन् पक्षग्याम वेपत्ता लाबा म्हीकादेला थेन युद्धला दुओरी सेवाकादेला वास्तविक मीन, हुओी थेन दीमला ठेगाना सम्भौता ताबा मितिसे डु च्युओी रे (६० दिन) न्हाडरी सूचनाकादे सार्वजनिक लासी दीमथेमेदा नोन् थापीन्वारी मञ्जुर मुला ।
- ५.२.४ डीनोन् पक्ष सशस्त्र द्वन्द्वग्याम थोन्वा विषम परिस्थितिदा सामान्यीकरण लाबान समाजरी शान्ति कायम लाबारी थेन युद्धग्याम पीडित थेन विस्थापित म्हीकादेला लागीरी राहत पीन्वा गे थेन पुनर्स्थापन लाबारी राष्ट्रिय शान्ति थेन पुनर्स्थापना आयोग स्होबारी थेन थेग्याम चु गे लाबारी सहमत ताबा मुला ।
- ५.२.५ डी नोन् पक्ष सशस्त्र द्वन्द्वला ताडरी मानव अधिकारला गम्भीर उल्लङ्घन लाबा थेन मानवताला लीसो लाबा अपराधरी प्रावाकादेला तामरी देन्वा तामकादे म्हाओीवासाओीबा लाबारी थेन समाजरी मेलमिलापला वातावरण स्होबारी सहमतिग्याम उच्चस्तरीय सत्य निरूपण थेन मेलमिलाप आयोग स्होबारी सहमत ताबा मुला ।
- ५.२.६ डीनोन् पक्ष नेपाली समाजरी लोकतन्त्र, शान्ति थेन अग्रगामी परिवर्तन सुनिश्चित लासेदा प्रतिवद्धताला छुयामरी ह्युलरी मुबा बेनान खालला युद्ध, आक्रमण, प्रत्याक्रमण, हिंसा थेन प्रतिहिंसा ख्लासेदा प्रतिज्ञा लाबा मुला । शान्ति बाबारी थेन शान्ति सुरक्षाला व्यवस्थारी डीनोन् पक्षसे गीसे आर्कुदा हो लासेदा तामरी सहमति ताबा मुला ।
- ५.२.७ डीनोन् पक्षसे ल्होलो ल्होलो म्हीकादेदा राजनीतिक कारणसे लाओदीबा आरोप, दावी, उजुरी थेन कारवाहीला ताडरी मुबा मुद्दामामिला फिर्ता कीन्वारी थेन थुनारी थान्वा बन्दीजुगुला स्थिति योनान सार्वजनिक लासी योनान ख्लावा तामरी ग्यारेन्टी लाबा मुला ।
- ५.२.८ डी नोन् पक्ष सशस्त्र द्वन्द्वला ताडरी विस्थापित ताबा म्हीकादेदा राजनीतिक पूर्वाग्रह आथन्ना हाडहाडला सेमसे हाडहाडला म्हेमेआखेला वा डाच्छाहेन्सेन् चीसी हाबा ग्लारी नीपुडबारी, युद्धला कारणसे न्होडबा पूर्वाधारकादे देप्पेन स्होबारी थेन विस्थापित ताबा म्हीकादेदा ससम्मान पुर्नस्थापना थेन सामाजीकरण लाबारी प्रतिवद्धता व्यक्त लाबा मुला ।
- ५.२.९ चु तामरी थोन्वा समस्याकादे डीनोन् पक्षला सहमतिला आधाररी छाडना लाबारी थेन गुडला ब्रेल्वा सामान्यीकरण थेन मेलमिलाप लाबारी डीक्पा वातावरण स्होबा गेरी बेनान राजनीतिक दलकादे, नागरिक समाज थेन स्थानीय गेन्दुनकादेला नोन् ह्येरी व्यक्तिगत थेन सामुहिक रुपरी उत्तरदायित्व कीन्सी कार्यान्वयन लाबारी लापुडबारी डी नोन् पक्ष सहमत ताबा मुला ।
- ५.२.१० डी नोन् पक्ष दीमथेमेला हालाओी सदस्य गी आर्कु पक्षरी नीबा आधाररी दीमथेमेला स्यान्दो सदस्यकादे थोरी तीकाओी लेबाफेबा आलाबारी थेन तीकाओी दबाव आपीन्वारी प्रतिवद्धता जाहेर लाबा मुला ।

- ५.२.११ नेपाल सरकार थेन सार्वजनिक निकायला कर्मचारीजुगुदा ह्युल्ला हाज्युवान ग्लारी स्वतन्त्र रुपरी हाबा नीबा, प्राबारी, हाडला कर्तव्य पालन लाबारी थेन हाडला गेला ताडरी थेनीकादेदा हाज्युवान किसिमला बाधा अवरोध ह्याप्ना आलाबारी थेन थेराडबा अवरोध ताना आलाबारी थेन थेनीला गेरी ह्ये लाबारी डी पक्ष सहमत ताबा मुला ।
- ५.२.१२ संयुक्त राष्ट्र संघ, अन्तर्राष्ट्रिय दातृ थेमे थेन नेपालरी मुबा कूटनैतिक नियोग, राष्ट्रिय वा अन्तर्राष्ट्रिय गैर सरकारी संस्था, प्रेस, मानव अधिकारवादीकादे, निर्वाचन पर्यवेक्षक थेन स्यान्दो ह्युल्ला पर्यटककादेदा नेपाल ग्याल्सान्हाडरी कानुन अन्सार तीकाडी बाधा आलाना हाबा नीबा लाबारी म्याडसेदा तामरी डी नोन् पक्ष सहमत ताबा मुला ।
- ५.२.१३ डीनोन् पक्ष प्रचार-प्रसारला गेताडकादे शिष्ट थेन मर्यादित ढङ्गसे स्हेडबारी प्रतिबद्ध मुला ।

६. युद्ध समाप्ति

- ६.१ २०६३ कार्तिक २२ कुनु डीस राजनीतिक दल थेन नेकपा (माओवादी) ला गुडरी ताबा ऐतिहासिक सहमतिला आधाररी सरकार माओवादी गुडरी ताजीबा युद्धविरामदा स्थायी रुप पीन्वान् २०५२ सालहेन्से तासी हाबा सशस्त्र युद्ध जीन्वा घोषणा लाबा मुला ।
- ६.२ डीस दल थेन नेकपा (माओवादी) ला शीर्ष गोबोनजुगुला २०६३ साल कार्तिक २२ कुनुला चीसाडग्याम ताबा निर्णणकादे हेडबा दुडीदोनाला शान्तिला लागिरी मूल नीतिगत आधार तासेदा मुला ।
- ६.३ नेपाली सेना ब्यारेकरी थेन माओवादी सेनाला लडाकुकादे अस्थायी शिविररी हाजीन्वालीच्छा सहमति, संभौता थेन कानुनला लीसो हतियार थान्बारी, ओन्बारी, लोडना लाबारी थेन हाज्युवान रुपरी हिंसा थेन हतियारला प्रयोग लाबा गे कानुनअन्सार दण्डनीय तासेदा मुला ।
- ६.४ डी नोन पक्षला सेनासे हालाडीला पक्ष वा विपक्षरी प्रचार प्रसार लाबारी थेन पक्ष विपक्षरी प्राबारी म्याडसेदा आरे । तर थेनीदा मताधिकारग्याम थारेड थान्सेदा आरे ।

७. मानव अधिकार, मौलिक अधिकार थेन मानवीय कानूनला परिपालना

मानव अधिकारला विश्वव्यापी घोषणापत्र, १९४८ थेन अन्तर्राष्ट्रिय मानवीय कानून थेन मानव अधिकारला आधारभूत सिद्धान्त थेन मान्यताकादेरी प्रतिबद्ध चीवान डी नोन् पक्षला दीरी पाडबा अन्सारला तामकादेरी सहमति मुला ।

७.१ मानव अधिकार :

- ७.१.१ डीनोन् पक्षसे मानव अधिकारप्रतिला डेन र संरक्षण थेन अन्तर्राष्ट्रिय मानवीय कानूनप्रतिला प्रतिबद्धताला पुनःपुष्टि लाबा मुला । हालाडी म्हीथोरी वर्ण, लिङ्ग, ग्योडी, धर्म, उमेर, जात जाति, राष्ट्रिय वा सामाजिक उत्पत्ति, सम्पत्ति, अपाङ्गता, केवा थेन स्यान्दो हैसियत, सेमताम वा आस्थाला आधाररी लेबाफेवा ताला आदे बीबा तामदा स्वीकारदीबा मुला ।
- ७.१.२ डीनोन् पक्ष नेपाली ह्युल्बाला, राजनैतिक, आर्थिक, सामाजिक थेन सांस्कृतिक याडतामला उपभोग लाबा वातावरण स्होबारी सहमत ताबा मुला । लीच्छा हाज्युवान अवस्थारी चुराडबा याडताम ब्यान्बारी आम्याडबा वातावरण स्होबारी प्रतिबद्ध मुला ।
- ७.१.३ डीनोन् पक्ष सम्भौता पत्ररी ब्रीबा याडतामला उपभोगरी बाधा ताना लाबा जिम्मेवार म्हीकादेथोरी कानुन अन्सार निष्पक्ष म्हाडीबाच्याबा थेन कारवाही तासेदा मुला बीसी प्रतिबद्धता जाहेर लाबा मुला थेन दण्डहिनतादा ग्ला आपीन्सेदा तामरी सुनिश्चितता

लाबा मुला । चुला छ्यामरी द्वन्द्व थेन यातना पीडित थेन म्हाणा लाबाकादेला दीमथेमेला राहत याडबा याडतामदा नोन् सुनिश्चित लाबा मुला ।

७.१.४ डीनोन् पक्षसे सर्वसाधारणदा यातना पीन्वा, अपहरण लाबा, जबरजस्ती तीकाडी गेरी लाडीदीवा गे लासेदा आरे थेन थेराडबा गेदा निरुत्साहित लाबारी तोबा कारवाही नोन् लासेदा मुला ।

७.१.५ डीनोन् पक्षसे धर्म निरपेक्षताला साडी मान्यताला आधाररी तीकाडी सामाजिक, सांस्कृतिक, धार्मिक संवेदनशीलता, धार्मिक ग्ला थेन म्हीला धार्मिक आस्थाला डेन लासेदा मुला ।

७.२ सोम्याडबा याडताम

७.२.१ डी नोन् पक्षसे म्हीला सोम्याडबा आधारभूत याडतामला डेन थेन संरक्षण लाला । हालाडीदान चु आधारभूत याडतामग्याम थारेड थान्सेदा आरे । मृत्युदण्ड पीन्सेदा तीकाडी कानुन स्होसेदा आरे ।

७.३ वैयक्तिक मर्यादा, स्वतन्त्रता थेन प्राम्याडबा याडताम

७.३.१ डी नोन पक्षसे वैयक्तिक मर्यादाला याडतामला डेन थेन रक्षा लासेदा मुला । चु ताडरी कानून अन्सार स्वतन्त्रताला उपभोग लाबारी आम्याडबा म्हीथेन छ्याम हालाडी यातना वा स्यान्दो क्रुर, अमानवीय वा अपमानजनक व्यवहार वा सजायला पात्र तासेदा आरे । कानुन अन्सार नागरिकला गोपनीयताला याडतामदा डेन लासेदा मुला ।

७.३.२ डीनोन् पक्षसे व्यक्तिला स्वतन्त्रता थेन सुरक्षाला याडतामला डेन लाबान हालाडीदान स्वेच्छाचारी वा गैरकानूनी थुनारी थान्वा, अपहरण लाबा वा बन्धक स्होसेदा आरे । डीनोन् पक्षसे बेपत्ता लाबा थेन कब्जारी थान्वा बेनान म्हीला अवस्था सार्वजनिक लाबारी थेन थेनीकादेला दीमथेमे, कानूनी सल्लाहकार थेन स्यान्दो आधिकारिक म्हीदा चुथेन सम्बन्धित जानकारी पीन्वारी सहमत मुला ।

७.३.३ डीनोन पक्षसे बेनान नागरिकला स्वतन्त्रतापूर्वक प्राम्याडबा याडताम थेन ह्वाड चीवा ग्लाला कानूनी मर्यादारी चीसी दाम्बा स्वतन्त्रतादा डेन थेन संरक्षण लाबान द्वन्द्वग्याम विस्थापित ताबा म्ही थेन थेनीला दीमथेमेकादे ह्वाडला डाच्छाहेन्से चीसी हाबा ग्लारी दोबारी म्याडबा वा थेनीकादेसे म्हाडीबाअन्सार स्यान्दो हाज्युबान ग्लारी चीम्याडबा याडतामला डेन लासेदा प्रतिवद्धता व्यक्त लाबा मुला ।

७.४ नागरिक थेन राजनीतिक याडताम

७.४.१ डीनोन् पक्ष बेनान म्हीला सेमताम, अभिव्यक्ति, गेन्दुन ठ्वाडबा थेन शान्तिपूर्वक जोम्बारी म्याडबा स्वतन्त्रता थेन शोषण विरुद्धला हकला डेन थेन संरक्षण लाबारी प्रतिवद्ध मुला ।

७.४.२ डीनोन् पक्ष बेनान नागरिकदा प्रत्यक्ष वा ह्वाडसे ताडबा मुल्मी ग्याम सार्वजनिक सरोकारला विषयरी बो कीन्वा, मतदान लाबा, निर्वाचित ताबा थेन सार्वजनिक सेवारी वाडबाला च्योच्यो याडतामला डेन लासेदा मुला ।

७.४.३ डीनोन् पक्ष म्हीला सुसूचित ताम्याडबा याडतामला डेन लाबारी प्रतिवद्ध मुला ।

७.५ आर्थिक- सामाजिक याडताम

७.५.१ व्यक्तिसे स्वतन्त्ररूपसे दाम्बा वा स्वीकारदीवा गे लासी सोम्याडबा याडतामला डेन थेन संरक्षण लाबारी डी नोन् पक्ष प्रतिवद्ध मुला ।

- ७.५.२. डीनोन् पक्ष बेनान ह्युत्वाला खाद्य सुरक्षासम्बन्धी हकला डेन थेन प्रत्याभूति लाबारी प्रतिवद्ध मुला । चाबा स्हे, चाबा स्हेला उत्पादन, थेला प्रयोग, ओसारपसार थेन बो लाबा गेरी तीकाथी हस्तक्षेप आलासेदा तामदा सुनिश्चित लाबा मुला ।
- ७.५.३ डीनोन् पक्षसे नागरिकला ल्हुथीला हकला डेन थेन संरक्षण लातोला बीबा तामदा आत्मसात लाबा मुला । डी नोन् पक्षसे मानला आपूर्ति, ह्यो थेन ल्हुथीला तामला अभियानरी बाधा लासेदा आरे थेन द्वन्द्वसे लासी घाइते ताबाकादेला मान लाबारी थेन पुनर्स्थापनाला गे लाबारी प्रतिवद्ध मुला ।
- ७.५.४ डीनोन् पक्षसे बेनादा शिक्षासम्बन्धी अधिकारला प्रत्याभूति थेन डेन लातोला बीबा तामदा आत्मसात लाबान शिक्षण गेन्दुनरी तोबा ह्याडबा शैक्षिक वातावरण स्होबारी प्रतिवद्ध मुला । डी नोन पक्ष शिक्षासम्बन्धी हकला उल्लङ्घन आतासेदा तामला सुनिश्चित लाबारी सहमत मुला । शिक्षण गेन्दुनदा यारी कीन्वा थेन प्रयोग लाबा, शिक्षक लोप्बोनजुगुदा बेपत्ता लाबा या यारी कीन्वा या अपहरण लाबा गे दात्तेन काबारी थेन लोपखाड थेन अस्पतालदा असर ताना लासी सैन्य व्यारेक आथान्वारी सहमत मुला ।
- ७.५.५. कानूनअन्सार विमा हालाथीलान व्यक्तिगत सम्पत्ति ब्यान्वा वा यारी कीन्वा गे तासेदा आरे बीबा तामरी डी नोन् पक्ष सहमत मुला ।
- ७.५.६ डी नोन् पक्ष ह्युलरी औद्योगिक वातावरणदा न्होडना आलाना उत्पादनला गेदा निरन्तरता पीन्वारी, औद्योगिक प्रतिष्ठानरी सामूहिक सौदावाजीला हक थेन सामाजिक सुरक्षाला डेन लाबारी, औद्योगिक प्रतिष्ठान थेन गेलाबाकादेला गुडरी तीकाथी समस्या थोन्साम थेनीदा शान्तिपूर्ण रुपरी समस्यादा छान्ना लाबारी गे लातोबा बीबा तामरी विश्वास मुला । अन्तर्राष्ट्रिय श्रम संगठनसे तयार लाबा गेला याडतामला डेन लासेदा मुला ।

७.६ म्रीडकोला थेन जत्तुकुला याडताम

- ७.६.१ डीनोन् पक्ष म्रीडकोला थेन जत्तुकुकादेला याडतामकादेला विशेष संरक्षण लाबारी, तीकाथी प्रकारला यौनजन्य शोषण थेन दुर्व्यवहारला छ्यामरी म्रीडकोला थेन जत्तुकुकादेला लीसो ताबा बालश्रमथेन बेनान हिंसात्मक गेकादेदा दात्तेन काबारी थेन च्युथीसे ब्रे दीड वा थेवीमा दीला जत्तुकुकादेदा हाज्युबान सैन्यबलरी समावेश वा उपयोग आलाबारी पूर्ण रुपरी सहमत मुला । चुराडलासी प्रभावित जत्तुकुकादेदा योनान उद्धार लासेदा मुला थेन थेनीकादेला पुनर्स्थापनाला लागीरी तोबा ह्यो पीन्सेदा मुला ।

७.७. वैयक्तिक स्वतन्त्रताला याडताम

- ७.७.१. डीनोन् पक्ष आस्था थेन सेमतामला स्वतन्त्रता, वाक थेन प्रकाशन स्वतन्त्रता, शान्तिपूर्वक थेन हतियार आथोना जोम्बारी म्याडबा स्वतन्त्रता, हाबानीबा स्वतन्त्रता, ह्याडसे ताडबा पेशा व्यवसाय लाबारी, सम्पत्ति छ्याबा थेन भोगचलन लाम्याडबा स्वतन्त्रता, शान्तिपूर्ण राजनीतिक कृत्याकलापरी बो किन्म्याडबा स्वतन्त्रता, कानुनला मीरी बेनान च्योच्यो तासेदा थेन सहिष्णुतापूर्ण न्याय व्यवस्था स्हेडबारी सहमत छन् ।

८. मतभेद निरुपण थेन कार्यान्वयन संयन्त्र :

- ८.१ डीनोन पक्ष नीबा दुथीरी ताबा त्रुटिकादेदा भविष्यरी दोहोच्याथीआदीसेदा थेन ताडसेन क्योन्सी बोसी वैयक्तिक थेन सामुहिक रुपरी उत्तरदायी तासेदा सहमति ओन्वा मुला ।

- द.२ राष्ट्रिय शान्ति थेन पुनर्स्थापना आयोगसे शान्ति अभियानदा सफल स्होबारी तोबाअन्सार संयन्त्रकादे स्होहाम्सेदा मुला । आयोग स्हेडबा थेन गे लाबा विधि अन्तरिम लोन्पो सेडजाडसे स्होबा अन्सार तासेदा मुला ।
- द.३ डीनोन पक्ष दात्तेला थेन भविष्यरी ताहाम्बा बेनान किसिमला पारस्परिक मतभेद वा समस्यादा आपसी सम्वाद, समझदारी, सहमति थेन वार्ताला माध्यमग्याम छाडना लाबारी प्रतिबद्ध मुला ।
- द.४ चु सम्भौता, अन्तरिम संविधान थेन डीस दल थेन नेपाल सरकार थेन नेकपा (माओवादी) ला गुडरी ताबा बेनान निर्णय, सहमति थेन समझदारीकादे कार्यान्वयन लाबारी अन्तरिम लोन्पोसेडजाडसे राष्ट्रिय शान्ति थेन पुनर्स्थापन आयोग, सत्य निरुपण थेन मेलमिलाप आयोग, ग्याल्साला पुनर्संरचना सम्बन्धी उच्चस्तरीय सुभावा आयोगथेन तोबाह्वाडबा स्यान्दो संयन्त्रकादे स्होसेदा थेन थेनीकादेला गे लाबा विधि निर्धारण लाबारी हाम्सेदा तामरी डी नोन् पक्ष प्रतिबद्ध मुला ।

९. कार्यान्वयन थेन अनुगमन

चु सम्भौतारी ब्रीबा सहमतिला कार्यान्वयन थेन थेला अनुगमनला लागीरी चुराडबा व्यवस्था लाबारी डी नोन् पक्ष सहमत ताबा मुला -

- ९.१ डी नोन् पक्ष संयुक्त राष्ट्र संघीय मानव अधिकार उच्चायुक्तला नेपालरी मुबा गेदीमग्याम चु सम्भौतारी ब्रीबा मानवअधिकार सम्बन्धी प्रावधानकादेला अनुगमनला गेदा निरन्तरता पीन्वारी सहमत मुला ।
- ९.२ डीनोन पक्ष संयुक्त राष्ट्र संघला नेपालरी मुबा मिशनग्याम डाच्छान पुथीबा बुँदा डाला पत्र थेन चु सम्भौतारी पाडबाअन्सार सैन्य थेन हतियार व्यवस्थापनला अनुगमन लापुडबारी सहमत मुला थेन चु गेरी ह्यो लाबारी प्रतिबद्ध मुला ।
- ९.३ डी नोन् पक्ष संयुक्त राष्ट्र संघग्याम संविधानसभाला निर्वाचनला पर्यवेक्षण लापुडबारी सहमत मुला ।
- ९.४ राष्ट्रिय मानव अधिकार आयोगसे कानून अन्सार लातोबा दायित्वला छ्यामरी चु सम्भौतारी पाडबा मानव अधिकार अनुगमन सम्बन्धी गेकादे नोन् सम्पादन लासेदा मुला । आयोगसे ह्वाडला गे सम्पादन लाबा ताडरी मानव अधिकार सम्बन्धी राष्ट्रिय थेन अन्तर्राष्ट्रिय गेन्दुनकादेथेन तोबा समन्वय लासी ह्यो कीन्वारी हाम्सेदा मुला ।
- ९.५ तोर ब्रीबा बेनान निकायसे पीन्वा प्रतिवेदनकादे गोबारी, अनुरोध लाबा सूचनाकादे उपलब्ध लाबारी थेन थेसे पीन्वा सुभावा थेन सिफारिसकादेला कार्यान्वयन सहमति थेन छलफलला आधाररी लाबारी डीनोन पक्ष सहमत मुला ।

१०. विविध:

- १०.१ कार्तिक २२ कुनुला निर्णयला मर्म थेन शान्ति सम्भौताला सेम अन्सार सरकार वा ग्याल्सा संयन्त्रला हाज्युवान थुमरी समानान्तर वा स्यान्दो स्वरुपला संयन्त्र आस्होसेदा तामरी डी नोन पक्ष सहमत मुला ।
- १०.२ डी नोन् पक्ष चु सम्भौताला कार्यान्वयनला लागीरी तोबा अन्सार स्यान्दो पूरक सहमतिकादेरी हस्ताक्षर लाबारी मञ्जुर मुला ।

- १०.३ डी नोन् पक्षला सहमतिग्याम चु सम्भौतारी हाज्युवान दुअरी संशोधन लाबारी हाम्सेदा मुला । संशोधन लादोबा छोरसाम थेला लिखित सूचना आर्कु पक्षदा पीन्वारी डी नोन् पक्ष सहमत मुला । थेराडलासी सूचना याडलीच्छा डीनोन् पक्षला सहमतिग्याम संशोधन लाबारी हाम्सेदा मुला । थेराडबा संशोधनसे लाबा व्यवस्था मान्यता याडबा च्याडनारी अन्तर्राष्ट्रिय मानव अधिकार, मानवीय कानूनला मापदण्ड थेन शान्ति स्थापनाला मूल मर्मवीमा च्याडना तासेदा आरे ।
- १०.४ चु सम्भौताला तीकाथी व्याख्यारी तीकाथी विवाद थोन्साम चु सम्भौताला प्रस्तावना थेन अनुसूचीरी मुबा दस्तावेजकादेला आधाररी डी नोन पक्ष मुबा संयुक्त संयन्त्रसे व्याख्या लासेदा मुला थेन चु व्याख्या लीच्छाला तासेदा मुला ।
- १०.५ अन्तरिम व्यवस्थापिका-संसद स्होवालीच्छा चु सम्भौतारी ब्रीवा 'डी पक्ष' ला अवधारणा थेन स्थिति ह्याडनोन् जीन्सेदा मुला । चुलीच्छा चु सम्भौतारी मुबा बेनान अभिभारा कार्यान्वयन लाबा, लापुडबा दायित्व अन्तरिम लोन्पो सेडजाडसे व्यवस्था लाबाअन्सार तासेदा मुला । सम्भौताला पालना थेन कार्यान्वयनरी ह्यो लाबा बेनान राजनीतिक दलकादेला कर्तव्य थेन जिम्मेवारी तासेदा मुला ।
- १०.६ ह्युल संविधानसभाला निर्वाचनला ग्रेन अभियानरी वाडजीन्वा दुअरी ह्याडला समस्या थेन मागकादेदा संवाद थेन वार्ताला माध्यमग्याम छ्याडना लाबारी थेन संविधानसभाला निर्वाचन थेन शान्ति सुरक्षाला स्थितिदा ह्यो लाबारी बेनादा म्होअीजेन मुला ।
- १०.७ सशस्त्र द्वन्द्वदा थुम्ना लावान संविधानसभाला निर्वाचनग्याम छार लोकतान्त्रिक नेपाल स्होसी ह्येडबाछ्याबा दुअरीदोनादा शान्ति बाबारी चु ऐतिहासिक अभियानरी जान्सी बो कीन्सी सफल स्होवारी नागरिक समाज, पेशागत समुदाय, जनवर्गीय गेन्दुनकादे, पत्रकारथेमे, सेवागोवा खेन्पोकादे, गान्वाकादे थेन बेनान नेपाली ह्युल्बारी सेमहेन्से म्होअीजेन मुला ।
- १०.८ पूर्ण लोकतन्त्र थेन दिगो शान्ति स्थापनाला चु अभियानरी नेपालदा ह्यो लाबारी बेनान डेडकोर ह्युलकादे थेन संयुक्त राष्ट्र सङ्घथेन अन्तर्राष्ट्रिय समुदायदा म्होअीजेन मुला ।
- ह्युल थेन ह्युल्बाला भविष्यप्रतिला जिम्मेवारी गोबोन थेन चु विस्तृत शान्ति सम्भौताप्रति पूर्ण प्रतिबद्ध तावान डानी -नेपाल सरकार थेन नेपाल कम्युनिष्ट पार्टी (माओवादी) ला तर्फग्यामसे हस्ताक्षर लासी चु विस्तृत शान्ति सम्भौता सार्वजनिक लाबा मुला ।

प्रचण्ड
चोहो
नेपाल कम्युनिष्ट पार्टी (माओवादी)

गिरिजाप्रसाद कोइराला
ग्रेनलोन्पो
नेपाल सरकार

हस्ताक्षर मिति :-२०६३/८/५